

Universidad di Aruba tin pensa di bin cu “green faculty”

ORANJESTAD – Universi-
dad di Aruba (AU) tin plan-
nan hopi ambicioso cu ta
inlui e posibilidadnan cu e
Alma Mater lo por expande
fisicamente; y tambe nan lo
por expande nan program-
anan y facultadnan cu nan
ta ofrece pa nan studian-
tenan.

Rector di UA, Dr. Glenn Thode a declara na Bon Dia Aruba cu e cantidad di programa y di estudiante cu nan universidad tin ta hopi mas grandi cu tempo pasa. Actualmente nan tin 700 estudiante y e situacion aki ta haci cu UA mester pensa riba plannan di expansion. UA ta evaluando kisas si nan por yega na un acuerdo si nan lo por expande den

espacio rond di bisindario caminda nan ta situa na Playa. Di otro banda, Dr. Thode a declara na Bon Dia Aruba cu aworaki tin dialogo andando pa nan por mira ki otro studio nan por ofrece.

Esaki lo por bay via un colaboracion, manera e “doppel degree” cu a keda firma recientemente entre UA y Universidad di Maastricht”.

E ta haya cu e tipo di aliansa aki nan por haci cu otro universidadnan na Hulanda, Merca y Canada.

Dr. Thode a bisa cu e ta comparti e mesun pensamiento cu minister di Enseñansa, sr. Michelle Winklaar a yega di ex-

presa pa Aruba bira un hub di conocimiento den nos region. El a indica cu e mandatario ta haciendo su esfuerzo y intento riba e tereno ey.

“Mi ta kere cu esey ta e futuro pa Aruba. Via colaboracion cu institutonan cu ya caba tin programanan fuerte y cu staf fuerte, nos por ofrece nos comunidad na Aruba miho opcion. Pues nos ta trahando riba esey”, el a declara.

Banda di esey, Dr. Thode a bisa cu nan ta haciendo esfuerzo pa wak si nan por lanta un “green faculty” cu ta enfoca riba sostenibilidad na Aruba. “Mi ta kere cu esey lo ta un facultad cu lo haya hopi interes den e region aki”, el a bisa. □

